

ք. Ստեփանավան

13, ապրիլ, 2018թ.

«Հայաստանի Հանրապետության Լոռու մարզի Ստեփանավանի համայնքապետարանի աշխատակազմ» Համայնքային կառավարչական հիմնարկը, այսուհետ՝ «Պատվիրատու», ի դեմս համայնքապետ՝ Միքայել Ղարաբեշիշյանի մի կողմից, և Ա/Ձ Սերգեյ Ֆլջյանը, ով գործում է կանոնադրության հիման վրա, այսուհետ՝ «Կատարող», մյուս կողմից, կնքեցին սույն Պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1 Պատվիրատուի հանձնարարությամբ Կատարողն իրականացնում է Լոռու մարզի Ստեփանավան քաղաքի զբոսայգում մանկական խաղասարքերի տեղադրման աշխատանքները (այսուհետ՝ Աշխատանք), իսկ Պատվիրատուն պարտավորվում է ընդունել աշխատանքի արդյունքը և վճարել դրա դիմաց:
- 1.2 Աշխատանքը կատարված է համարվում Պատվիրատուի կողմից հանձնման-ընդունման ակտի ստորագրման պահից:
- 1.3 Աշխատանքի կատարման ժամկետ է սահմանվում 2018թ. ապրիլի 14-ից մինչև 2018թ. ապրիլի 19-ը ներառյալ:
- 1.4 Աշխատանքը կատարվում է Կատարողի ուժերով, միջոցներով և նյութերով:

2. ՊԱՅՄԱՆԱԳՐԻ ԱՐԺԵՔ ԵՎ ՎԱՐՁԱՏՐՈՒԹՅԱՆ ԿԱՐԳԸ

- 2.1 Սույն Պայմանագրի արժեքը կազմում է 200'000 (երկու հարյուր հազար) դրամ ներառյալ բոլոր հարկերը:
- 2.2 Պատվիրատուն պայմանագրային գումարի վճարումն իրականացնում է Կատարողի կողմից սույն Պայմանագրով նախատեսված բոլոր պարտավորությունների լիարժեք կատարման դեպքում (ինչը ներառում է Պատվիրատուի կողմից հայտնաբերված և Կատարողին ցույց տված բոլոր տեսակի թերությունների և չկատարումների վերացումը) Պայմանագրով նախատեսված աշխատանքների հանձնման-ընդունման ակտի (եզրափակիչ ակտի) հիման վրա, այդ ակտի ստորագրումից հետո 10 (տաս) աշխատանքային օրերի ընթացքում:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

- 3.1 Պատվիրատուն իրավունք ունի Կատարողի աշխատանքի ընթացքի և որակի անվերապահ և անընդհատ ստուգման, առանց խոչընդոտելու վերջինիս գործունեությունը:
- 3.2 Կատարողը պարտավոր է ծառայությունները մատուցել սույն պայմանագրով նախատեսված ժամկետներում և պատշաճ որակով:

4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 4.1 Սույն պայմանագրով պարտավորություններն ամբողջությամբ կամ մասնակիորեն չկատարելու դեպքում կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխել: Այդպիսի իրավիճակներն են՝ երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնար են դարձնում սույն Պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է երեք ամսից ավելի, ապա կողմերից յուրաքանչյուրը իրավունք ունի լուծարելու Պայմանագիրը, այդ մասին տեղյակ պահելով մյուս կողմին:

- 4.2 Աշխատանքի կատարման ժամկետը Կատարողի կողմից խախտելու դեպքում նա պարտավոր է տուգանք վճարել Պատվիրատուին Պայմանագրի արժեքի 0.2%-ի չափով Պայմանագրի ծրագրված ավարտի օրվա նկատմամբ յուրաքանչյուր ժամկետանց օրվա համար, եթե երկուստեք համաձայնությամբ և հիմնավորված պատճառներով Պայմանագրի ծրագրված ավարտի օրը չնշվի լրացուցիչ: Հաշվարկված տուգանքը չի կարող գերազանցել պայմանագրային արժեքի 10 %-ը:
- 4.3 Սույն Պայմանագրի 2.1 կետով նախատեսված վճարումն ուշացնելու դեպքում Պատվիրատուն վճարում է տույժ ուշացված գումարի 0.2%-ի չափով, յուրաքանչյուր ուշացած օրվա համար, բայց ոչ ավել քան վճարման ենթակա գումարի 10%-ը:

5 ԱՅԼ ԴՐՈՒՅԹՆԵՐ

- 5.1 Սույն Պայմանագրի պայմանները ենթակա են փոփոխության երկկողմանի համաձայնության դեպքում, ինչը վավերացվում է համապատասխան համաձայնագրով:
- 5.2 Սույն Պայմանագրով չնախատեսված դեպքերում կողմերը ղեկավարվում են ՀՀ գործող օրենսդրությամբ:
- 5.3 Սույն Պայմանագիրը կազմված է 2 (երկու) օրինակից: Յուրաքանչյուր կողմին տրվում է մեկական օրինակ: Պայմանագիրը ուժի մեջ է մտնում ստորագրման պահից:

6 ԿՈՂՄԵՐԻ ՎԱԿԵՐԱՊԱՅՄԱՆՆԵՐԸ

«Պատվիրատու»

«Հայաստանի Հանրապետության Լոռու մարզի Ստեփանավանի համայնքապետարանի աշխատակազմ» Համայնքային կառավարչական հիմնարկը
 ՀՀ, Լոռու մարզ, ք. Ստեփանավան,
 Սոս Սարգսյան 1
 ՀՎՀՀ 06954104
 Հ/հ 900252320024
 ՀՀ ֆն գործառնական վարչություն

Միքայել Ղարաբեշիջյան

«Կատարող»

Ա/Ձ Սերգեյ Ֆլջյան
 ՀՀ, Ծիրակի մարզ, ք. Գյումրի
 Մուշ 2 թաղ., 8-1 շենք, բն. 5
 ՀՎՀՀ 84710254
 Հ/հ 220060813635000
 «ԱԿԲԱ-Կրեդիտ Ագրիկոլ Բանկ» ՓԲԸ
 «Ծիրակ» մասնաճյուղ

Սերգեյ Ֆլջյան



ստորագրություն

ստորագրություն